



## **TOSHKENT DAVLAT YURIDIK UNIVERSITETI REKTORINING B U Y R U G ' I**

14.06.2024

376-tm-son

### **Talabaga hayfsan e'lon qilish to'g'risida**

Bugungi kunda universitetda yuksak talablar va zamonaviy xalqaro standartlarga javob beradigan yuqori malakali yuridik kadrlarni tayyorlash maqsadida talabalarni ma'naviy-axloqiy tarbiyalash, huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan, universitetning sirtqi ta'lim shakli bo'yicha ayrim talabalari tomonidan o'quv intizomi, Odob-ahloq kodeksi va ichki tartib-qoidalarini buzish holatlari aniqlandi.

Xususan, 1-kurs A potok 3-guruh talabasi Voxobov Diyorbek Dilshodbek o'g'li va 1-kurs B potok 1-guruh talabasi Ilashev Umidjon Baxtiyor o'g'lilar joriy yilning 7-iyun kuni Yuristlar uchun xorijiy til fanidan yakuniy nazorat imtihonlarini o'tkazish jarayonida belgilangan qoidalarga amal qilmasdan nazoratchi professor-o'qituvchilarning talablarini bajarmagan holda o'rnatilgan tartibni buzgan. Ushbu holat bo'yicha nazoratchi professor-o'qituvchilar tomonidan dekanatga bildirgi bilan murojaat qilingan va talabalardan tegishli tushuntirish xati olingan. Bundan tashqari, 1-kurs B potok 1-guruh talabasi Homidjonov Mexrojbek Hayotjonovich va 1-kurs rus B potok 1-guruh talabasi Muradov Diyorjon Muxammadjonovichlarning belgilangan talablarga zid ravishda 3-o'quv binosi oldida tamaki mahsulotlarini iste'mol qilganligi aniqlangan. Holat yuzasidan Ma'naviyat va ma'rifat markazi direktori Sh.Po'lotov tomonidan dekanatga og'zaki shaklda ma'lum qilindi va ushbu talabalardan tushuntirish xati olindi.

Yuqoridagilarga ko'ra:

Voxobov Diyorbek Dilshodbek o'g'li va Ilashev Umidjon Baxtiyor o'g'lilar Toshkent davlat yuridik universiteti Odob-axloq kodeksi 17-moddasining to'rtinchi xatboshisi (tinchlik yoki osoyishtalikka qarshi tajovuz qilish, janjallashish), 18-moddasining birinchi xatboshisi (xodim, talaba va doktorantlarning o'zaro munosabatlari milliy qadriyat va an'analar, yagona jamoaviy muhit, o'zaro hurmat va e'tibor, do'stlik, hamjihatlik, halollik va adolat tamoyillariga asoslanishi lozim), 27-moddasining oltinchi xatboshisi (Universitet xodimlari va o'qituvchilariga

qo‘pollik qilmaslikka, ular bilan tortishmaslikka, agarda ular nohaq bo‘lsa tegishli shaxslarga xabar berishga, o‘qituvchilarning shaxsiy hayotiga oid noo‘rin savollar bilan murojaat qilmaslikka)da;

Homidjonov Mexrojbek Hayotjonovich va Muradov Diyorjon Muxammadjonovichlar Toshkent davlat yuridik universiteti Odob-axloq kodeksi 17-moddasining uchinchi xatboshisi (giyohvand moddalar, psixotrop, sintetik vositalar va ularning analoglari, alkogol va tamaki mahsulotlari, vayp, chilim, elektron sigaretlar va sarxush qiluvchi boshqa vosita hamda moddalarni iste‘mol qilish va tarqatish)da belgilangan qoidalarni buzgan.

Yuqoridagilarni inobatga olgan holda Oliy ta‘lim to‘g‘risidagi nizom (ro‘yxat raqami 1222, 2003 yil 22 fevral), universitet rektorining 2023-yil 31-maydagi 81-um-son buyrug‘i bilan tasdiqlangan yangi tahrirdagi Toshkent davlat yuridik universitetining Ichki tartib qoidalari va Odob-ahloq kodeksi tegishli moddalarini qo‘pol ravishda buzganligi hamda Magistratura va sirtqi ta‘lim fakulteti dekanining taqdimnomasiga muvofiq,

### **BUYURAMAN:**

1. Quyidagilar:

Voxobov Diyorbek Dilshodbek o‘g‘li – sirtqi ta‘lim shakli 1-kurs A potok 3-guruh (ta‘lim tili – o‘zbek);

Ilashev Umidjon Baxtiyor o‘g‘li – sirtqi ta‘lim shakli 1-kurs B potok 1-guruh (ta‘lim tili – o‘zbek);

Homidjonov Mexrojbek Hayotjonovich – sirtqi ta‘lim shakli 1-kurs B potok 1-guruh (ta‘lim tili – o‘zbek);

Muradov Diyorjon Muxammadjonovich – sirtqi ta‘lim shakli 1-kurs rus B potok 1-guruh (ta‘lim tili – rus) talabalariga universitet Odob-ahloq kodeksining tegishli normalarini buzganligi uchun hayfsan e‘lon qilinsin.

2. Magistratura va sirtqi ta‘lim fakulteti dekani A.Babadjanov:

ushbu buyruq bilan talabalarni tanishtirsin;

talabalarining shaxsiy hujjatlar yig‘majildiga buyruq nusxasi tikilishini ta‘minlasin.

3. Mazkur buyruq ijrosining nazoratini o‘z zimmamda qoldiraman.

**Rektor v.v.b.**



**I.RUSTAMBEKOV**

### **Kiritildi:**

Dekan (Fan nomzodi yoki falsafa  
doktori (Ph.D) ilmiy darajasiga yoki  
xorijiy davlatlarning unga  
tenglashtirilgan boshqa ilmiy  
darajalariga yoki dotsent ilmiy  
unvoniga ega bo'lgan)

A.BABADJANOV



### **Kelishildi:**

Direktor

SH.PO'LOTOV



Boshqarma boshlig'i

S.BOZAROV



Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Katta yuriskonsult

A.TURSUNOV

